

Ilanngussaqq A



INATSISARTUT

**Aningaasaqarnermut, Naligiissitaanermut,
Aatsitassanut Inatsisillu Atuutsitsinneqar-
nerannut Naalakkersuisoq
-/ Maani**

Ulloq: 20. september 2023

J.nr.: 01.31.11-00023

Naalakkersuisut 2024-mi aningaasanut inatsisissatut siunnersuutaat

1. Aallarniut

Aningaasaqarnermut Akileraartarnermullu Ataatsimiititaliap 2024-mi aningaasanut inatsisissatut siunnersuummut aallarniutitut apeqqutai oqaaseqaataalu matumuuna nassiunneqarput. Aningaasaqarnermut Akileraartarnermullu Ataatsimiititaliap 2023-mi aggustimi Nuummi missingersuutit pillugit isumasioqatigiinnermini aningaasanut inatsisissatut siunnersuummik tamarmiusumik misissuina apeqqutinut pingaarnertut tunngavigineqarpoq.

Allamik allassimasoqartinnagu quppernertut innersuussutit aningaasanut inatsisissatut siunnersuutit kalaallisuaanut innersuussutaapput.

2. Nassuiaatit nalinginnaasut

2.1 Aningaasaqarnikkut ingerlatsinissamut Naalakkersuisut anguniagaat tunngavissaallu. Qupperneq 166

1. Inuiaqatigiinni atugarissaarnerup patajaannerunissaata anguneqarnissaa siunertaralugu iluarsaaqqinnissat AIS2023-mi Naalakkersuisunit salliutinneqarput. Tassunga atatillugu utoqqaat, meeqqat ulorianartorsiortut, inuusuttut napparsimasullu Naalakkersuisunit salliutinneqartut ataatsimiititaliamit maluginiarneqarpoq. Patajaassutsip kissaatigineqartup anguneqarnissaanut suliassaqrarfiit taakku akomanni aningaasat Naalakkersuisunit qanoq pingaarnersiorneqalersaarnersut paasissutissiissutigineqasasoq ataatsimiititaliamit kissaatigineqarpoq.
2. Aningaasaqarnermut, Naligiissitaanermut, Aatsitassanut Inatsisillu Atuutsinneqarnerannut Naalakkersuisoq kommunit taarsigassarsiaasa akuerisarnissaannut nakkutigi-sarnissaannullu akisussaasuusoq Naalakkersuisunit paasissutissiissutigineqarpoq. 3.4-p ataani kommunit aningaasaqarnerat pillugu qupperneq 193-mi paasissutissiissutigineqarpoq Tunngaviusumik Isumaqatigiissutit aamma Allaffissornermut Isumaqatigiissutit saniatigut Kalaallit Nunaanni kommunini immikkoortortat taarsigassarsinissamut qanoq ilillutik qinnuteqarsinnaanerannut ilitersuummik Naalakkersuisut suliaqartut. Kommunit taarsigassarsinissaannut piumasaqaatit taakku malinneqarnissaat Naalakkersuisunit qanoq qulakkiilersarneqarnerasoq erseqqissarneqasasoq ataatsimiititaliamit kissaatigineqarpoq.

2.2. Nuna tamakkerlugu aningaasarsiornikkut naatsorsuutigisassat pisortallu aningaasaqarnerat. qupperneq 169

1. Atuisunut akigititat nuna tamakkerlugu minnerunngitsumillu sinerissami annertuumik qaffariarsimasut ataatsimiititaliaq isumaqarpoq. Kalaallit Nunaanni atuisunut akigititat, 2023-mi januarimi naatsorsorneqartut, EU-p sinnerani 8,5% qaffariaammut sanilliullugu taamaallaat 2,75 %-imik qaffariarsimanerannik Naalakkersuisut paasissutissiinerannut tamanna qanoq naapertuuppa?
2. Siuliani allassimasunut atatillugu innuttaasut aningaasat atorsinnaasaasa ineriartornerat misissueqqissaarnermi ilanngunneqassanersoq paasissutissiissutigineqassasoq ataatsimiititaliamit kissaatigineqarpoq.
3. Akit qaffakkiartornerannut tunngatillugu atuisut sunnguamilluunniit illersorneqarsorinangitsut ataatsimiititaliamit maluginiarneqarpoq. Tassunga atatillugu Naalakkersuisut qanoq isumaliuteqarpat?
4. Uuliap akia pillugu KNI-p isumaqatigiissuteqarnissaata aggersup inernerisassaa Naalakkersuisunit siulittuutigineqarsinnaanngimmat ataatsimiititaliami paasineqarsinnaavoq. Isumaqatigiissutissalli AIS2024-mut kinguneqarsinnaanera ataatsimiititaliamit isumakuluutigineqarpoq, naatsorsuutigineqarsinnaammammi nunani tamalaani akit ilutigalugit akit qaffassasut. Pissutsit taakku Naalakkersuisunit qanoq isumaqarfigineqarpat?
5. Kalaallit Nunaanni suliffissaaleqineq appasittoq, tamatumalu peqatigisaanik sulissusanik annertuumik amigaateqartoqartoq, ataatsimiititaliamit maluginiarneqarpoq. Inuusuttut 2-3.000-it missaaniittut suliffeqarnerup avataaniittut isumalluutissatut taaneqannginnerat ataatsimiititaliamit tupigusuutigineqarpoq. Inuusuttut taakku suliffeqanngitsut pillugu kisitsisitigut paasissutissanut ilaatinneqannginnerusut paasissutissiissutigineqassasoq ataatsimiititaliamit kissaatigineqarpoq.
6. Noqutissanik eqqussuinnermut akitsuutit, qupperneq 180, ataanni Naalakkersuisut paasissutissiissutigaat 2022-mi naatsorsuutini kisitsisinut sanilliullugu AIS2024-mi ataatsimut isigalugu 2 %-imik qaffariaateqarnissaq missingersuutigineqartoq. Tamatumu itisilerneqarnissaa ataatsimiititaliamit kissaatigineqarpoq.

2.3 Ingerlatseqatigiiffinni Namminersorlutik Oqartussanit pigineqartuni annerpaani ineriartorneq. qupperneq 185

Ingerlatseqatigiiffiit suliassanik qitiulluinnartunik suliaqartarnerat pillugu Naalakkersuisut ataatsimiititaliamit isumaqatigineqaannarsinnaapput.

1. Akit inissisimaffiisa ineriartornerat ingerlatseqatigiiffiillu ingerlatsinerminni angusasa inneriartornerat imminnut ataqatigiilluartutut Naalakkersuisunit nalilerneqarpat?
2. Ingerlatseqatigiiffiit Namminersorlutik Oqartussanit pigineqartut tunisinerminni akigititaa qaffakkiartuinnartussatut Naalakkersuisunit nalilerneqarpat?
3. Sinneqartooruteqarnissamik anguniagaqarnertik Naalakkersuisut, Namminersorlutik Oqartussat piginnittutut soqutigisaanik isumaginnittutut, ingerlatseqatigiiffinnut Namminersorlutik Oqartussanit pigineqartunut nalunaarutigisimavaat?
4. Royal Arctic Linep angusai kingulliit 100 mio. kr.-erluinnangajannik amigartoorfiutit ataatsimiititaliamit maluginiarneqarpoq, taamaalillutillu angusat naatsorsuutigisanit 30-40 mio. kr.-inik ajornerupput. Tamanna atuisunut qanoq kinguneqartussatut Naalakkersuisunit naatsorsuutigineqarpat?
5. Angusani takuneqarsinnaasutut ukioq 2022 nammineeerluni Aalborg havnimi umiarsualivimmiit ingerlatsinermiit Aarhus havnimi umiarsualimmi kiffartuussinernik pisisarnermut ikaarsaariarfiunera Royal Arctic Linep pitsaangitsumik angusaqarnerata kingunerigaa Naalakkersuisut nassuiaatigaat. Nammineeerluni ingerlatsinermit

- kiffartuussinernik pisisarnermut ikaarsaariarnerup ingerlatsinermut aningaasaqarnermullu toqqaannartumik kinguneri qaangiuttut Naalakkersuisunit nalilerneqarpat?
6. Royal Arctic Linep usit pillugit Eimskipimik suleqateqarneranut tunngatillugu Naalakkersuisut allanik oqaaseqaatissaqarpat?
 7. Aktiaateqarluni ingerlatseqatigiiffiit Namminersorlutik Oqartussanit pigineqartut inuiaqatigiinni annertuumik pingaaruteqarnerat pillugu Naalakkersuisut ataatsimiititaliamit isumaqatigineqaannarsinnaavoq, taakkumi suliassaqaarfimminni inuiaqatigiinnut qitiusumik pingaarutilinnik ingerlatsimmata. Tamanna pissutigalugu ingerlatseqatigiiffiit sulisartut ilarpasuinik Naalakkersuisut oqaatigisaattut “namminersortut ingerlataanni” sulisitsipput, tamatumani ingerlatseqatigiiffiit ingerlataat unammillerteqarani nalinginnaasumik ingerlanneqarajupput. Suliassat inuiaqatigiinnut qitiusumik pingaarutillit kisermaassinertut ilusilerlugit niuernermit atugassarititaasut malillugit ingerlatseqatigiiffinnit namminersortunit isumagitinneqarnerat qanoq pitsaaquteqarlunilu pitsaanngequteqartut Naalakkersuisunit isumaqaarfingeqarpa?
 8. Royal Greenland, nunani tamalaani niuernikkut atugassarititaasut malillugit ingerlataqartoq, ilanngaattissat ilanngaatigereerlugit 3 mia. kr.-erluinnangajannik ernialersugaasunik akiitsoqartoq ataatsimiititaliamit maluginiarneqarpoq. Aningaasat taakku aktiaateqarluni ingerlatseqatigiiffiit Namminersorlutik Oqartussanit pigineqartut anginerit arfinillit, qupperneq 185-imi takussutissiaq 9-mi ilanngunneqartut, ilanngaattissat ilanngaatigereerlugit akiitsuisa ataatsimoortut 70 %-iisa missaanniipput. Tamanna ataatsimiititaliamit isumakulunnartinneqarpoq. Ingerlatseqatigiiffiup akiitsui ingerlatseqatigiiffiup ukiumoortumik angusaanut qanoq artukkiiiva aammalu akiitsut ingerlatseqatigiiffiup akiliisinnaassusianut qanoq sunniuteqarpat?
 9. Taamaalillunilu Royal Greenlandip ilanngaattissat ilanngaatigereerlugit akiitsui erniallit Namminersorlutik Oqartussat 2022-p naanerani akiitsunit sinneruttunit 40-riaammik annertussuseqarput. Royal Greenlandip akiitsui qanoq amerlatigilerpata Naalakkersuisunit eqqarsarnartutut isigineqalissapat?
 10. Mittarfinnik imminut akilersinnaasunik aammalu akilersinnaanngitsunik timmisartuussinermi siunissami akit qanoq annertutigisussatut Naalakkersuisunit naatsorsuutigineqarneris pillugu paasissutissinneqarnissaq ataatsimiititaliamit kissaatigineqarpoq. Taamaalillutillu Naalakkersuisut aamma naatsorsuutigaat timmisartuussinerit imminnut akilersinnaasut timmisartuussinernut imminnut akilersinnaanngitsunit aamma tapeeqataasassasut?
 11. Kalaallit Airports Holding A/S-ip ataani aqutatut ingerlatseqatigiiffiit assigiinngitsut aningaasaqarnerat suliffeqarfissuup aningaasaqarneranut tamarmiusumut atatillugu qanoq ataatsimoortinneqassapat?

2.4 Akiitsut ineriartornerat/Kommunit aningaasaqarnerat, qupperneq 190

1. Taarsigassarsinissamut periarfissat akiitsunik ineriartorneq aammalu kommunit aningaasaqarnerat pillugu immikkoortuni taaneqartut aningaasaqarnikkut ineriartornissamut qanoq sunniuteqassapat?
2. KommuneKredit aqutigalugu taarsigassarsisarnissaq pillugu allaffissornermut isumaqatigiissusiornissaq sulisutigineqartoq Naalakkersuisunit oqaatigineqarpoq. Tamatuma erseqqinnerusumik itisilerneqarnissaa ataatsimiititaliamit kissaatigineqarpoq.
3. Suliassaqaarfimmik taamaattumik aqutsinissaq kommuninit nammaneqarsinnaasutut Naalakkersuisunit nalilerneqarpa? Kommunit inatsisit malillugit suliassaminnik aqutsinissaminnut tunngatillugu sulisussaqaarniarnikkut kommunit ajornartorsiuteqarnerat ataatsimiititaliamit matumani eqqarsaatigineqarpoq. Tamatuma peqatigisaanik ataatsimiititaliamit oqaatigineqassaaq KommuneKreditip iluaqutaasinnaanera apeqqusemeqanngimmat.

2.5 Sanaartornermut suliaasaqarfik, qupperneq 196

1. Sanaartornermik suliaasaqarfimmi piujuartitsineramik tunngaveqarnissamik oqarnermi Naalakkersuisut suna pinerlugu itisilissagaat ataatsimiititaliamit kissaatigineqarpoq. Naalakkersuisunit pineqartut tassaappat atortussat piujuartitsinissamik tunngaveqartut imaluunniit taama oqarneq ataatsimut isiginninnertut paasineqassava?
2. Sanaartugassatut pilersaarutit pillugit Naalakkersuisut qanoq eqqarsaateqarpat? Sanaartugassatut pilersaarutit aningaasaliissuteqarnissamut kissaatinut aalajangiisuuppat imaluunniit killormoortua atuuppa?

2.6 Aningaasanut inatsisissatut siunnersuummi suliniutissat immikkut pingaartitat, qupperneq 198

1. Meeqqanut tunngatillugu angalaqatigiit nutaat. Naalagaaffik suleqatigalugu Tasiilami suliniutit Naalakkersuisunit qanoq misilittagaqarfineqarpat?
2. Angalaqatigiinnik taamaattunik Naalakkersuisut maanna pilersitsinerannut suna tunngaviua?
3. Issittumi uumassusilerineramik bacheloritut ilinniartut siulliit 2025-mi aatsaat aallartissinnaanerannut suna tunngaviua?
4. Ado Lyngep Atuarfiata nukittorsarnissaa. Atortulersuutit illuutillu aserfallassimasorujussueneri eqqarsaatigalugit ukiumoortumik 2 mio. kr.-inik immikkoortitsinissap Naalakkersuisunit naammattutut isigineqarneranut suna tunngaviua?
5. Peqqinnissaqarfimmut tunngatillugu (qup. 200) Peqqissutsimut Isumalioqatigiissitap isumaliutissiissutaanut aaqqiissutissanut missingiummik Naalakkersuisut naammassinnereernersut aammalu qulequttat immikkoortumi taaneqartut sooq siullertut toq-qarneqarnerisut paasissutissiissutigineqassasoq ataatsimiititaliamit kissaatigineqarpoq?
6. Nuummi mittarfimmi peqqinnissakkut upalungaarsimanerup pisarialimmik qaffanneqarnissaanut 1 mio. kr.-it Naalakkersuisunit immikkoortinneqassapput. Tamanna pillugu Ilulissani mittarfissami Naalakkersuisut qanoq pilersaaruteqarpat?
7. Kunngaqarfiup Danmarkip Issittumi Siunnersuisoqatigiit siulittaasoqarfianik tigusi-nissaa Kalaallit Nunaannut aningaasartuuteqarfiussanersoq paasissutissiissutigineqassasoq ataatsimiititaliamit kissaatigineqarpoq.

2.7 Sillimatit missingersuutinullu iluarsinerit, qupperneq 202

1. Isertitassatut sillimmatitut, AIS 2024-ip aappassaaneerseqarnissaanut pingajussaanerseqarnissaanulluunniit atugassiissutigineqartussanut tunngatillugu Naalakkersuisunit sordiaat pineqarpat?
2. Tassunga atatillugu Namminersorlutik Oqartussani allaffissorneq qanoq isikkoqassava?
3. Sillimmatit taaneqartut suliarineqarneranni nukissiuutinut akit qaffakkiartortut Naalakkersuisunit isummerfigineqarsimappat?

3. Suliassaqarfik 10 - 12 Naalakkersuisut Siulittaasuut

3.1 Konto pingaarneq 10.01.01 Naalakkersuisut Siulittaasuata Naalakkersuisoqarfia, NSN, allaffissorneq

1. Sulisunut atuinerup allannguuteqannginnerat aammalu akissarsianut aningaasartuutit qaffakkiartornerat qanoq imminnut ataqatigiippat?
2. Naalakkersuisut Attassisinnaanermut Inerisaanissamullu Pilersaarutaannut tunngatillugu pisortat ingerlatsiviini sipaarutissat siunertarineqartut Naalakkersuisunit qanoq anguneqalersaarnersut itisilerneqassasoq ataatsimiititaliamit kissaatigineqarpoq.

3.2 Konto pingaarneq 10.01.06 Nutaanngorsaaniissat suliassallu

Aningaasaliissutit suliassanik naammassinnittarnerup pitsaanerulersinneqarnissaanut, pisaariillisaanernut aammalu sulisorinniinnarnissamut il.il. iluaqutaasumik nutaaliarluni suliassanut qitiusumik allaffeqarfimmut iluaqutaasumik atorneqassasut Naalakkersuisunit paasissutissiisutigineqarpoq. Nutaaliarluni suliassat taakku soppaanersut aammalu kontomi matumani aningaasat qanoq atorneqassanersut erseqqissumik akineqassasoq ataatsimiititaliamit kissaatigineqarpoq.

3.4 Konto pingaarneq 10.98.01 Digitaliseeriinermut Aqutsisoqarfik

1. Sulisunut atuinerup allannguuteqannginnerat aammalu akissarsianut aningaasartuutit qaffakkiartornerat qanoq imminnut ataqatigiippat?
2. Aningaasaliissutigineqartut Digitaliseeriinermut Aqutsisoqarfiup akisussaaffigalugu suliassaqarfiinut qanoq agguataarneqarsimanerat nassuiaatigineqassasoq ataatsimiititaliamit kissaatigineqarpoq.

3.5 Konto pingaarneq 10.98.02 Nuna tamakkerlugu digitalinngortitsinissamut periusissap atuutsilerneru

Siuariartorneq pillugu ukiumoortumik Aningaasaqarnermut Akileraartarnermullu Ataatsimiititaliamut nalunaarusiortoqartartoq konto pingaarnerup ataani allassimavoq. Taamaattoqanngitsorli ataatsimiititaliamit oqaatigineqassaaq. Naalakkersuisut ataatsimiititaliamut ilisimatitsissuteqalersaanngippata, tamanna konto pingaarnerup ataani oqaasertanit peerneqartariaqarpoq.

3.6 Konto pingaarneq 12.01.01 Kalaallit Nunaata Københavnimi Sinniisoqarfia

1. Assersuutigalugu Bruxellesimi Kalaallit Nunaata Sinniisoqarfianut sanilliullugu Kalaallit Nunaata Københavnimi Sinniisoqarfianut aningaasanik taama amerlatigisunik sooq immikkoortitsisoqartarnersoq paasissutissiisutigineqassasoq ataatsimiititaliamit kissaatigineqarpoq? Sinniisoqarfiit akornanni aningaasat Naalakkersuisunit qanoq pingaarnersiorneqartarpat?
2. Sinniisoqarfinnut assigiinngitsunut tunngatillugu Naalakkersuisut qanoq periuseqarpat?

4. Suliassaqarfik 20 - 24 Aningaasaqarnermut Naligiissitaanermut, Aatsitassanut Inatsisillu Atuutsitsinneqarnerannut Naalakkersuisoq

4.1 Konto pingaarneq 20.01.11 Nuna tamakkerlugu pilersaarusiorneq
Naalagaaffiit Peqatigiit nunarsuarmi anguniagaat pillugit suliaq sumut killippa?

4.2 Konto pingaarneq 20.01.15 Naligiissitaanermut Siunnersuisoqatigiit
Missingersuusiornermut malittarisassani aalajangersakkat Naalakkersuisunit innersuussutigineqarput Aningaasanut inatsimmi missingersuutinut ilanngussat pitsaasuunissaasa qulakkeerneqarnissaat pillugu missingersuusiornermut malittarisassani immikkoortumi ilaatigut allassimavoq iluanaarutissatut naatsorsuutigisat, ingerlatat, naammassinnaaneq il.il. tamakkiisumik allaaserineqassat. Taamaattumillu kontomi pingaarnermi matumani suliassanut kisitsisissatut naatsorsuutigisanut takussutissiaq ataatsimiititaliamit ujartorneqarpoq. Kisisalu Siunnersuisoqatigiit paasisitsiniaanerannit, isumasioqatigiissitsinerannit il.il. pissarsiarineqartut ataatsimiititaliamit ujartorneqarput.

4.3 Konto pingaarneq 20.05.20 Kommunitut ataatsimoortumik tapiissutit

1. Kontomut pingaarnermut matumunnga oqaasertaliunneqarsimasut naapertorlugit meeqqanut inuusuttunullu suliassaqarfiup iluani ulloq unnuarlu angerlarsimaffinnut namminersortunut kommunit ullormut akiliutigisartagassaannut annerpaaffissaliinissaminut Naalakkersuisut piginnaatinneqarput. Piginnaatitsissut taanna Naalakkersuisunit atorineqarsimanersoq aammalu qanoq atorineqarsimanersoq paasissutissiissutigineqassasoq ataatsimiititaliamit kissaatigineqarpoq?
2. Angerlarsimaffiup avataanut inissiisarnernut atatillugu akit atorineqartartut anner-tussusiat eqqarsaatigalugu Naalakkersuisut qanoq isumaqarpat?
3. Oqaasertaliussaq matumani pineqartoq naapertorlugu akinik aalajangersaanissaq siunertaralugu Naalakkersuisut nalunaarummik atuutsitsilersaarpat?
4. Kommunitut ilaqutariinnik angerlarsimaffiup avataanut inissiisarneq pillugu malittarisassani ilaatinneqartunik tigusisartunut sunniutaasartut Naalakkersuisut qanoq misilittagaqarfigaat?

4.4 Konto pingaarneq 20.10.20 Nationalbankip sinneqartoorutaanit pissarsiassat

Ukiumi aningaasanut inatsiseqarfiusumi 2024-mi aningaasaliissutit 0 kr.-iusut ataatsimiititaliamit maluginiarneqarpoq. Erseqqinnerusumik nassuiaasoqarnissaa ataatsimiititaliamit kissaatigineqarpoq.

4.5 Konto pingaarneq 20.11.50 Ingerlatsinermut sillimatit

Konto pingaarnermi matumani oqaasertaliunneqarsimasut naapertorlugit piginnaatitsissummik atuineq pillugu Naalakkersuisut ataatsimiititaliamut ilisimatitsissuteqartassapput. Piffissami kingullermi taamatut ilisimatitsissuteqartoqarsimanngimmat ataatsimiititaliamit naatsorsuutigineqarpoq ilisimatitsissuteqarnissaq pisariaqarsimanngitsoq. Tamatuma Naalakkersuisunit oqaaseqarfigineqarnissaa ataatsimiititaliamit kissaatigineqarpoq.

4.6 Konto pingaarneq 20.11.51 Aaqqissusseqqinnerit sunniutaat

Konto pingaarnermut matumunnga oqaasertaliussaq aningaasanut inatsisissatut siunnersuummut ilanngussaq 2-mi Naalakkersuisunit ilanngunneqarpoq. Konto pingaarnermut matumunnga oqaasertaliussaqartoq missingersuutinut ilanngussami taaneqanngilaq. Tamatuma Naalakkersuisunit oqaaseqarfigineqarnissaa ataatsimiititaliamit kissaatigineqarpoq.

4.7 Konto pingaarneq 20.11.56 Missingersuutininik iluarsineq, allaffissorneq

Siunnersortinut avataaneersunut aningaasartuutit ikilisinneqarnissaat qitiutillugu isertitassatut sillimmasiunneqartutut taaneqartut 8,7 mio.-it qanorpiaq paasineqassanersut Naalakkersuisunit maannangaq paasissutissiissutigineqarsinnaava?

4.8 Konto pingaarneq 20.11.70 Suliniutinut nutaanut sillimmatit

1. Suliniutit nutaat uku; peqqinnissaqarfimmi sulisunut inissiat, aalisarnermut ilin-niarnerup qaffassarnissaa kiisalu meeqqat tarnimikkut nappaatillit suliniarfigineri, aningaasalersorneqarnissaannut immikkoortitat 2023-mi aningaasanut inatsimmut aamma ilaammata ataatsimiititaliamit maluginiarneqarpoq.

Siunnersuummi matumani pineqartumi paasissutissanik nutaanik saqqummersoqan-gitsoq ataatsimiititaliaq isumaqarpoq. Suliniutit siuliani taaneqartut siuariartorfii-simasinnaanerit pillugu Naalakkersuisut tigussaaneerusunik paasissutissiisnaappat?

2. Periusissanut aningaasat agguagassat

Ukiuumoortumik 20 mio. kr.-it sillimmatitut immikkoortinneqartussatut siunner-suutigineqartut atugassanngortinneqarnissaannut qanoq pilersaaruteqartoqarpa? Atugassanngortitsinissaq pillugu AIS2024-p aappassaaneerneqarnissaanut Naalakkersuisut allannguutissatut siunnersuummik saqqummiussilersaarpat?

3. Utertitseriaaseq nutaaq

Aningaasaliissutinut matumani pineqartunut kiisalu eqqagassanik ikuallaasarnermut, tassungalugu ilanngullugu Avannaata Kommunia pillugu suliamut tunngatillugu ESANI A/S-ip ingerlatai sumut killippat?

4.9 Konto pingaarneq 20.30.01 Aningaasaqarnermut Sulisoqarnermullu Aqutisisoqarfik, ASA

1. AIS 2024-mit ukiunilu missingersuusiortifinni sulisorisassatut naatsorsuutigisat qaffariarnerannut suna pissutaava?
2. Pisiortortarnikkut Namminersorlutik Oqartussat pisariinnerusumik pisiortortarnissaat qulakkeerneqassasoq Naalakkersuisut paasissutissiissutigaat. Naalakkersuisut manna tikillugu qanoq annertutigisumik sipaaruteqarsimappat?
3. Sulisorisassatut naatsorsuutigisat amerleriarsimappat. Tamanna Namminersorlutik Oqartussani allaffissornerup annikillisinniarnanur qanoq naapertuutsigiva?

4.10 Konto pingaarneq 20.30.04 Sulitilluni ajoqusersinnaanermit sillimasersimasus-saatitaaneq kiisalu angalanermit ajutoorsinnaanermullu inatsisit naapertorlugit sillimma-sersimasussaataaneq

Sillimmasiinermit aqqiussuussinerit aqqutigalugit aningaasat qanoq amerlatigisut Namminer-sorlutik Oqartussanut utertarnersut paasissutissiissutigineqassasoq ataatsimiititaliamit kissaa-tigineqarpoq.

4.11 Konto pingaarneq 20.30.07 Ineqarnermut tapiissutit, erniat akilersuutillu ilannga-eriikkat

Taarsigassarsinerit qassit atorunnaarsimanersut qassillu sinnerunnersut paasissutissiisu-tigineqassasoq ataatsimiititaliamit kissaatigineqarpoq.

4.12 Konto pingaarneq 20.30.09 Sulisunik utaqqiisaasumik najugaqartitsineq

1. Naalackersuisoqarfinni assigiinningsuni sulisut qanoq taarserartigisimanerat, tamatumalu annikillisinneqarnissaanut Naalackersuisut qanoq pilersaaruteqarnersut paasissutissiissutigineqassasoq ataatsimiititaliamit kissaatigineqarpoq?
2. ASA-p sulisorisanut inissianik innersuussisarnermik suliassamik isumaginninnera suliassaqarfimmilu immikkoortortanut siunnersuisarnera naliliivigineqarsimappat?
3. Suliassaqarfiit aalajangersimasut aaqqissuussinermik immikkut atuinerusarpat?

4.13 Konto pingaarneq 24.01.01 Akileraartarnermut Aqutisoqarfik, allaffissorneq

Digitaliseeriinerup annertunerulernera akiligassatigut kinguaattoorutit ikilinerannik kinguneqassannginnami? Akiligassatigut kinguaattoorutinik akiliisitsiniarneq pillugu suliniuteqarnissamut pilersaarusiornissaq qanoq ingerlava?

4.14 Konto pingaarneq 24.01.16 Sulisitsisunit annaasat

N 2022-p aamma AIS 2024-p akornanni ilanngaaseereerluni isertitat soq taama nikerartiginerat paasissutissiissutigineqassasoq ataatsimiititaliamit kissaatigineqarpoq.

4.15 Konto pingaarneq 24.06.14 Sulinermut ilanngaat

1. Sulinermut ilanngaatip ukiumoortumit qaammatikkaartunngorlugu naatsorsorneqartalernissaanut allannguiniarnerup killiffia paasissutissiissutigineqassasoq ataatsimiititaliamit kissaatigineqarpoq.
2. Suliassami kisitsisissatut naatsorsuutigisanut takussutissiami taaguut Tusass A/S pinnagu taaguutip Tele Greenlandip atorneqarsimanera ataatsimiititaliamit eqqumaffigeqquneqassaaq.

4.16 Konto pingaarneq 24.10.12 Ingerlatseqatigiiffiit akileraarutaat, Namminersorlutik Oqartussat suliffeqarfiutaat

Ukiunut missingersuusiorfiusunut kisitsisit soq taama isikkoqarnersut itisilerneqassasoq ataatsimiititaliamit kissaatigineqarpoq?

4.17 Konto pingaarneq 24.11.13 Umiarsualivimmiinnermut akileraarutit

1. Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisissaannut Naalackersuisut siunnersuutaata (Umiarsuarni takornarianik angallassisuni ilaasut akileraarutaannik atuutilersitseqqinneq), 2024-mi ukiakkut ataatsimiinnermi oqaluserisassanut ilanngunneqartup, kingunerisaanik Naalackersuisut allannguutissatut siunnersuuteqarnissaat ataatsimiititaliamit naatsorsuutigineqassava?
2. Inatsisartut inatsisissaattut siunnersuummi siunnersuummi tassani siunnersuutigineqarpoq avatangiisinut aserfallatsaaliuinnermullu akiliisitsissummik, umiarsualiveqarnermut oqartussaasunit akilersinniarneqartartussamik, aalajangersaanissamut kommunit periarfissinneqassasut. Tamatuma kommuninit qanoq annertutigisumik isertitaqarfiusussatut Naalackersuisunit naatsorsuutigineqarpa?

4.18 Konto pingaarneq 24.11.14 Naqissusiinnermut akitsuutit

Naqissusiinnermut akitsuutip akilernerqartarnera nunatta eqqartuussivia aqqutigalugu pisarunnaarlugu qitiusumut toqqaannartumik akilernerqartalissagaluarpat qanoq kinguneqassava?

4.19 Konto pingaarneq 24.11.23 Nukissiornermi ikummatissat avatangiisinut akitsuutaat

Ingerlatseqatigiiffiit tunisisarnermik ingerlatallit ikummatissanik tunisaqarnerminnit sinneqartoorujussuurtut soq kontomi pingaarnermi matumani isertitat amerlanerungillat?

4.20 Konto pingarneq 24.11.24 Aatsitassanut, sermimut imermullu akitsuutit
Konto pingarnermi matumani isertitat ineriartorfiunnginnerannut suna pissutaava?

4.21 Konto pingarneq 24.11.27 Aalisarnermi pisuussutinik iluaquteqarnermi akitsuutit

1. Konto pingarnermut matumunnga oqaasertaliussaartoq missingersuutitut ilanngussami aallarniutigineqarpoq, taannali ilanngunneqarsimanngilaq. Taamaattoqarneranut suna tunngaviua?
2. Nunarsuarmi niuerfinni akit qaffasinnerat eqqarsaatigalugu konto pingarnermi matumani isertitassatut aningaasaliissutit qaffasinnerutinneqannginnerannut suna tunngaviua?

5. Suliassaqarfik 30 - Meeqqanut, Inuusuttunut, Ilaqutariinnullu Naalakkersuisoq

5.1 Konto pingaarneq 30.01.01 Meeqqanut, Inuusuttunut Ilaqutariinnullu Naalakkersuisoqarfik

Ilaqutariinnut inatsiseqartitsineq aammalu kingornussisussaataitanermit inatsiseqartitsineq, inatsiseqarnikkut suli nunatsinnit tiguneqanngitsut, Naalakkersuisoqarfimmit isumagineqartut ataatsimiititaliamit maluginiarneqarpoq. Inatsiseqarfik nunatsinnit suli tiguneqanngimmat suliassaqarfimmut taakkununga aningaasartuutit Naalagaaffimmit akilerneqartarnermut paasissutissiissutigineqassasoq ataatsimiititaliamit kissaatigineqarpoq.

5.2 Konto pingaarneq 30.01.02 Isumaginninnermut Aqutsisoqarfik

1. Isumaginninnikkut suliassaqarfimmit kalaallit-danskit suleqatigiinnerat 2019-imi pilersinneqarpoq. Suleqatigiinnermut naalagaaffiup karsia ukunut sisamanut agguataarlugu 80 mio. kr.-inik aningaasaliissuteqarpoq. Kiisalu meeqqat inuusuttullu ulorianartorsiortut pillugit suleqatigiinnerup nukittorsarneqarnissaanut ataatsimoortumik tapiissutinut tunngatillugu kommunit 2021-mi isumaqatigiissuteqarfigineqarput. Suliniutit taakku aallartinneqartut sumut killippat aningaasallu taakku sumut atorneqartarpat?
2. Suliniutit taakku ingerlaqqinnissaat eqqarsaatigalugu Naalakkersuisut allanik oqaaseqaatissaqarpat?
3. Sulisorisassatut naatsorsuutigisani allassimavoq AI2023-mut sanilliullugu AIS2024-mi ukioq naallugu sulisorisassat 30-nik ikinnerunissaat naatsorsuutigineqartoq. Sulisorisat taama annertutigisumik allannguuteqarnerannut suna pissutaava aammalu akissarsianut aningaasartuutit assinganik ikilinniginnerat qanoq paasisariaqarpa?
4. Peqqinnissaqarfiup Paarisallu akornanni suliaqarfiit akimorlugit suleqatigiittoqarnersoq paasissutissiissutigineqassasoq ataatsimiititaliamit kissaatigineqarpoq.
5. Isumaginninnermut Aqutsisoqarfimmit angalasartut taakkulu suliaat sumut killinnersut paasissutissiissutigineqassasoq ataatsimiititaliamit kissaatigineqarpoq.

5.3 Konto pingaarneq 30.01.03 Isumaginninneq pillugu pikkorissartitsisarnerit ilinniar-titseqqittarnerillu

1. Inuusutissarsiutigalugu ilaqutariit paarsisartut qanoq atorneqartiginersut paasissutissiissutigineqassasoq ataatsimiititaliamit kissaatigineqarpoq.
2. Pisariaqartitsinermit sanilliullugu kontomi pingaarnermi matumani aningaasaliissutit piviusorsiortutut Naalakkersuisunit nalilerneqarpat?

5.4 Konto pingaarneq 30.01.04 Namminersorlutik Oqartussat illuutaannik aserfallat-saaliuineq – Ilaqutareeqarneq

Missingersuutitut ilanngussami paasissutissiissutigineqartut uku Naalakkersuisunit itisileq-quneqarput: ”Kontomit pingaarnermit, 30.10.37 nuna tamakkerlugu meeqqanut inuusuttunullu ulloq unnuarlu paaqqinnittarfiit, 7.284.373 kr.-it aamma kontomit pingaarnermit, 30.13.41 innarluutilinnut angerlarsimaffiit, 4.530.684 kr.-it kontomut pingaarnermut isertitatut allanneqarput.”

5.5 Konto pingaarneq 30.10.37 Nuna tamakkerlugu meeqqanut inuusuttunullu ulloq unnuarlu paaqqinnittarfiit

1. Ulloq unnuarlu paaqqinnittarfinnut, Naalakkersuisunit (Isumaginninnermut Aqutsisoqarfimmit) ingerlanneqartunut, inissiinermi aningaasartuutit kommuninit akilerneqartarput. Ingerlatsinerup aningaasalersuinerullu akornanni taama agguataarineq

- aningsaanik naapertuunnerpaamik atuinertut Naalackersuisunit isigineqarnersoq paasissutissiissutigineqassasoq ataatsimiititaliamit kissaatigineqarpoq.
2. Ulloq unnuarlu paaqqinnittarfinnik aningaasalersuineq ingerlatsinerlu ataatsimoor-tinneqarpata suliassaqaarfimmumut nukittorsaataassanersoq Naalackersuisunit naliliiffi-gineqassasoq siulianut atatillugu ataatsimiititaliamit kissaatigineqarpoq.
 3. Kontomi pingaarnermi matumani ukiut missingersuusiorfiit ingerlaneranni imaluun-niit suliassami kisitsisissatut naatsorsuutigisani allanngortoqarnissaa naatsorsuuti-gineqanngitsoq ataatsimiititaliamit maluginiarneqarpoq. Suliassaqaarfiup siunissami ineriartorfiunissaa Naalackersuisunit naatsorsuutigineqannginnersoq paasissutissiissu-tigineqassasoq ataatsimiititaliamit kissaatigineqarpoq.
 4. N2022-p, AI2023-p aammalu AIS2024-p akornanni sulisorisassatut naatsorsuutigisat 40-nik nikeriarujussuarnerannut suna pissutaava?

5.6 Konto pingaarneq 30.10.45 Meeqqat inuusuttullu immikkut ittumik suliniute-qarfigineqarnerat

1. *Ilaqutariinnut paarsisartunut suliniutit* ataanni allassimavoq ilaqutariinnut paar-sisartunut siunnersortit ilaqutariinnut paarsisartunut tunngasuni sullissisarnerup sullis-sisarnerup pitsaanerulernissaanik qulakkeeriniarlutik suliqaartartut ingerlatsineranni aningaasartuutaasut annerpaamik 50 pct.-ii kommunit matussusertinniarsinnaagaat. 50 %-imut taama killiliisimanermut suna pissutaava Naalackersuisullu siunertaraat aaqqissuussineq taanna siunissami allannguuteqarani ingerlaannassasoq?
2. Ilaqutariinnut paarsisartunut suliassaqaarfimmumut atatillugu innuttaasut kommunit akornanni nuuttarnerat kommunit allaffissornikkut sullissinerannut pisariusutut isigineqarneqartarnera Naalackersuisut misigisimavaat? Naalackersuisut tamatumun-ga qanoq oqaaseqaatissaqarpat?

5.7 Konto pingaarneq 30.10.48 Isumaginninnikkut peqqissutsikkullu pinaveersaartitsineq

1. Imminut toquttarneq pillugu pitsaaliuinerup ataani allassimavoq imminut toqut-tarnerup pinaveersaartinnissaanut suliassaqaarfimmi periusissamik nutaamik ineriartor-titsinissamik suleriaqqinnissamut nukissat amerlanerusut qulakkeerneqarnissaat pisa-riaqartinneqartoq. Taamaattumillu imminut toquttarnerup pinaveersaartinnissaanut aningaasaliissutit AI 2023-mut sanilliullugit mio. affaannik ikilineqarnerat ataatsi-miititaliamit tupigusuutigineqarpoq. Suliassaqaarfimmi suliniutit annertusarneqar-nissaannut aningaasanik amerlanerusunik sooq immikkoortitsisoqarsimannginnera Naalackersuisunit itisilerneqassasoq ataatsimiititaliamit kissaatigineqarpoq.
2. Akissarsianut aningaasartuutit qaffakkiartormerat sulisunillu atuinerup annikillinera imminnut qanoq ataqatigiippat?

5.8 Konto pingaarneq 30.13.43 Pissassarfik

Suliassami kisitsisissatut naatsorsuutigisani peqataasussat ataanni ima oqartoqarnera ataatsimiititaliamit maluginiarneqarpoq: ”Innuttaasut ilaatigut qanigisat, sulisut, perorsaatut allallu peqatigalugit katsorsartittut”. Oqaatsip ”ilaatigut” atornerarnera ataatsimiititaliamit maluginiarneqarpoq, ataatsimiititaliarmi isumaqarmat qanigisaasut ilaatinneqartariaqartut.

5.9 Konto pingaarneq 30.13.44 Eqqarsartaatsimikkut kinguarsimasunik pinerluttuleriner-mi inatsit malillugu inissiineq

Konto pingaarneq una malillugu aningaasartuutinik akiliisarnermut inatsisitigut tunnga-vimmumut Naalackersuisut innersuussinerat itisilerneqassasoq ataatsimiititaliamit kissaatigine-qarpoq, taannami malillugu inissiinernut katsorsaanernullu aningaasartuutit nunatta karsianit

akilerneqassapput. Aningaasartuutit danskit oqartussaasuinit akilerneqartussaanninnerat ataatsimiititaliamit tupigusuutigineqarpoq.

5.10 Konto pingaarneq 30.14.29 Isumaginninnermi suliniutit

Suliassaqarfimmi matumani aningaasartuutit sooq nunatta karsianit akilerneqartarnerat paasissutissiissutigineqassasoq ataatsimiititaliamit kissaatigineqarpoq, suliassaqarfimmi nunatsinnut nuunneqarsimangimmat.

6. Suliassaqarfik 31 - Isumaginninnermut, Suliffeqarnermut Nunamullu Namminer- mut Naalackersuisoq

6.1 Konto pingaarneq 31.01.01 Isumaginninnermut, Sulisoqarnermut Nunamullu Nammi- nermut Naalackersuisoqarfik

1. Nunamut namminermit immikkoortortaqarfiup ilaatigut kommunit nammineerne-
rulernissaannik misiliinerit pillugit suliassat isumagisarigai paasissutissiissutigine-
qarpoq. Tassunga atatillugu Naalackersuisut ingerlatanik sunik sulissutiginninne-
rannik erseqqinnerusumik paasissutissiisoqarnissaa ataatsimiititaliamit ujtortor-
narpoq?
2. Aaqqissuussinerit suut sulissutigineqarnersut aammalu sulinermit tassani kommunit
qanoq akuutinneqarnersut paasissutissiissutigeqqullugu Naalackersuisut qinnuigine-
qarput?

6.2 Konto pingaarneq 31.02.01 Inersimasunut inuunikkat atugarliortunut suliniutit Kontomut pingaarnermut suliassami kisitsisit ataatsimiititaliamit ujtortor- narput.

6.3 Konto pingaarneq 31.02.07 Utoqqaat Illersuisuat.

1. Kontomut pingaarnermut suliassami kisitsisit ataatsimiititaliamit ujtortor-
narput.
2. Susassaqarfiup iluani sulineq pitsaanerpaq atorlugu susassaqarfiup ingerlanneqar-
nissaa Naalackersuisunit qanoq qulakkeerneqassava?
3. Suliassat aalajangersimasut suut Utoqqaat Illersuisoqarfianit isumagineqassanersut
aammalu suleriaatsit assigiissaakkat inatsisitigut aalajangikkat atorneqassanersut
pillugit piumasaqaatinik Naalackersuisut aalajangersaasimappat?

6.4 Konto pingaarneq 31.02.32 Akiitsut pillugit siunnersuineq

1. Pisortanut akiligassat kinguaattoorutit ineriartorneri qanoq killiffeqarpat?
2. Akiligassatigut kinguaattoorutit ineriartornerat akuersaarnartutut Naalackersuisunit
isigineqarpa, taamaangippallu pisortanut akiligassatigut kinguaattoorutit ikilisarne-
qarnissaannut peqataaqataasinnaasunik suliniutissanik Naalackersuisut siunnersuutis-
saqarpat?

6.5 Konto pingaarneq 31.03.08 Utoqqalinersiat

Innuttaasut utoqqalinersiaqarsinnaatitaasut qanoq amerlatigisut suliffeqaannartarnerannik
Naalackersuisut naliliinissaat ataatsimiititaliamit ujtortor-
narpoq.

6.6 Konto pingaarneq 31.03.12 Isumaginninnikkut isumannaarinerit, inun- nut isumagin- ninnikkut isumannaallisaaneq pillugu nunat avannarliit isumaqatigiissutaat

Aningaasaliissuteqarnermit erseqqinnerusumik siunertaasup aammalu aaqqissuussineq aqqu-
tigalugu kikkut pisartagaqarnersut erseqqinnerusumik itisilerneqassasoq ataatsimiititaliamit
kissaatigineqarpoq.

6.7 Konto pingaarneq 31.07.02 Piginnaasanik ineriartortitsiviusumik pikkorissarnerit Pikkorissarnernit taakkunanga angusat sunniutaat uuttorneqarsimappat?

6.8 Konto pingaarneq 31.07.03 Nuttarnersitsiniarluni aningaasaliissutit

1. Sulisussaaleqineq taamatullu sulisinnaasut nuuttarsinnaanerannik pisariaqartitsineq eqqarsaatigalugit matumani aningaasaliissutit pisariaqartinneqarnerusariaqaraluartut ataatsimiititaliamit nalilerneqarpoq. Tamanna pillugu Naalakkersuisut oqaaseqaate-qarnissaat ataatsimiititaliamit qinnutigineqarpoq.
2. Aningaasaliissutit pisariaqartinneqanngisaannarsimagunarnerat, tamatumalu peqatigi-saanik sulisussanik taamatullu suliassanik annertuumik amigaateqartoqarnera Naalakkersuisunit qanoq isumaqarfigineqarpoq?
3. Tunngavissat aningaasanik pissarsinissamut piumasaqaatitut aalajangersagaasut inuiaqatigiit aningaasaqarneranni nunatta unammilligassarisaanut naapertuuttut Naalakkersuisut isumaqarpat? Taamaammallu aningaasaliissutit isumatusaartumik atorneqarnissaat piumasaqaatinit akimmisaartinneqarsimasinnaava?

6.9 Konto pingaarneq 31.07.05 Majoriaq

1. Atuarfimmi atuartut angajullit ilitserneqartarnerat pillugu atuarfiup qanoq qanitsigisumik suleqatigineqarnerata itisilerneqarnissaa ataatsimiititaliamit kissaatigineqarpoq.
2. Quppernermi 430-imi takussutissiap annertusinissaa periarfissaqarpoq, taamaalilluni akunnerit atuartitsiviit, sap. ak. holdit, ukiumut atuartut, soraarummeertut amerlassusiat kiisalu ukiumut atuartumut ataatsimut aningaasartuutit takussutissiami takuneqarsinnaasunngorlugit.
3. Majoriaqarfinni suliassatut missingersuutitut ilanngussami allattorsimasut qanoq annertutigisut ingerlanneqarsimanersut suliassatut naatsorsuutigisani aamma allaqqasussaagaluarpoq.
4. Majoriaqarfiiit ingerlannissaannut kommunit Namminersorlutik Oqartussanit ataatsimoortumik tapiissutit aqutigalugit aamma tunineqartarnerat itisilerneqassasoq ataatsimiititaliamit kissaatigineqarpoq.
5. Malittarisassatigut tunngaviit qupperneq 430-mi suliassami kisitsisissatut naatsorsuutigisanut takussutissiap ataani allassimasut naleqqussarneqarnissaat pisariaqarnerasoq Naalakkersuisunit isumaliutigineqarsimava?

6.10 Konto pingaarneq 31.07.06 Nuna tamakkerlugu suliffissanut isertarfik

Nuna tamakkerlugu suliffissanut isertarfiup atorneqarnera Naalakkersuisunit naatsorsugaatigineqarpoq?

6.11 Konto pingaarneq 31.07.07 Ilinniartunut tapiissutit - Majoriaq

Aningaasaliissutit aammalu suliassami kisitsisissatut naatsorsuutigisat qanoq imminnut naapertuuppat?

6.12 Konto pingaarneq 31.08.07 Qinersinermut aningaasartuutit

Digitalimik allakkatigut taasisinnaanerup atuutilersinneqarnissaa pillugu Naalakkersuisut qanoq isumaliuteqarpat?

7. Suliassarfik 34 - Peqqissutsimut Naalakkersuisoq

7.1 Konto pingaarneq 34.01.01 Peqqissutsimut Naalakkersuisoqarfik

1. Pissutaasut missingersuutitut ilanngussami taaneqartut saniatigut aningaasaliissutit N 2022-mit AIS 2024 tikillugu amerleriarnernut suna pissutaava?
2. Peqqinnissaq pillugu Isumalioqatigiissitap kaammattuutaanik piviusunngortitsinissamut suliniummut allattoqarfiliornissamut aningaasaliissutit naammattutut Naalakkersuisunit isumaqarfigineqarpat?
3. Aningaasaliissutit annertussusiannut suna tunuliaqutaava aammalu suliniummut allattoqarfiup suliassat suut ingerlatissavai?
4. Allattoqarfiup naalakkersuisoqarfiup ataanut inissinneqarsimaneranut suna tunngaviua?

7.2 Konto pingaarneq 34.11.01 Napparsimasut nunani allani katsorsarneqartarnerat, timikkut nappaatit

Timikkut nappaatinik nunani allani katsorsaernerup pitsaernerpaamik nikittorsarneqarnissaa siunertaralugu Danmarkimik Islandimillu isumaqatiginninniarnert suli ingerlanneqarpat, taamatullu isumaqatigiinniartoqarpat taakku sumut killippat?

7.3 Konto pingaarneq 34.11.02 Napparsimasut nunani allani katsorsarneqartarnerat, tarnikkut nappaatit

1. Inissat allannguuteqanngikkaluartut aningaasaliissutit N 2022-mit AIS 2024 tikillugu amerleriarnernut suna pissutaava?
2. Konto pingaarneq una malillugu aningaasartuutunik akiliisarnermut inatsisitigut tunngavimmu Naalakkersuisut innersuussinerat itisilerneqassasoq ataatsimiititaliamit kissaatigineqarpoq, taannami malillugu inissinernut katsorsaannullu aningaasartuutit peqqinnissaqarfimmit akilerneqassapput. Aningaasartuutit danskit oqartussasuit akilerneqartussaanginnerat ataatsimiititaliamit tupigusuutigineqarpoq.

7.4 Konto pingaarneq 34.11.03 Dronning Ingridip Napparsimmavissua

1. MR-scannerimut tunngasumik pissutsit sumut killippat?
2. Uninngatitsinani katsorsaanerit pillugit suliassami kisitsisissatut naatsorsuutigisat pillugit takussutissiap ataani allassimavoq tigusinissamut periarfissaqannginneq pissutigalugu uninngatitsinani uninngavimmi ingerlatat ilanngunneqarsimasut. Tamatuma nassuiaatigineqarnissaa ataatsimiititaliamit kissaatigineqarpoq.
3. Uninngatitsinani katsorsaanerit pillugit suliassami kisitsisissatut naatsorsuutigisat pillugit takussutissiami N 2022-mut sanilliullugu AI 2023 aamma AIS 2024-mi appariaat annertoq nalunaarneqarsimavoq, tamatumalu peqatigisaanik pilatsinnerit qassiineri pillugit suliassami kisitsisissatut naatsorsuutigisat pillugit takussutissiami akierlianik amerliartoqarsimalluni. Tamatumunnga suna pissutaava?

7.5 Konto pingaarneq 34.11.04 Kalaallit Peqqissartut Illuat

1. Ataatsimiititaliap paasinninnera malillugu napparsimasunut ingiallortaasut, ilaqqutat inissarsissunneqarsimannngitsut, inissaqartillugu akiliillutik peqqissartut illuanni unnuinissamut periarfissaqarput. Inissaqannginneq qanigisaasut unnuinerisa ingerlaanarnissaanut killiliisinnaasoq, taamaattumillu napparsimasut unnuissusaatitaaneranni tunullinneqarsinnaanerit, ataatsimiititaliamit ilimagineqarsinnaavoq. Qanigisaasut

- inissarsissunneqarsimanngitsut qanoq amerlatigisut peqqissartut illuanni unnuinissamut periarfissinneqarnissaq pillugu saaffiginmissimasut Naalackersuisunit kisitsisaatigineqarpat?
2. Qanigisaasut inissarsissunneqarsimanngitsut qanoq amerlatigisut peqqissartut illuanni unnuinissamut periarfissinneqarsimanersut Naalackersuisunit kisitsisaatigineqarpat?
 3. Napparsimasup peqqissartut illuanni suli najugaqarnerani qanigisaasut inissarsissunneqarsimanngitsut inissaqartitsisoqannginnera pissutigalugu nuullutik allamik unnuiffissarsiortariaqarsimasut Naalackersuisunit kisitsisaatigineqarpat?
 4. Inuit kingullertut taaneqartut taakku unnuiffissamik allamik naassaarnissamut ikiorneqarnissamut qanoq periarfissaqarpat?
 5. Qanigisaasut inissarsissunneqarsimanngitsut peqqissartut illuannut pulaarnissaminnut qanoq periarfissaqarpat?
 6. Napparsimasut peqqissartut illuanniinnerminni pisariaqartumik nakkutigineqarlutillu paaqutarineqarnissaat qulakkeerniarlugu Naalackersuisut allamik oqaaseqaatissaqarpat?

7.6 Konto pingaarneq 34.11.11 Tarnikkut napparsimasunik inissiisarfimmut pinerluttulerinermut inatsit malillugu inissiineq

Konto pingaarneq una malillugu aningaasartuutunik akiliisarnermut inatsisitigut tunngavimmut Naalackersuisut innersuussinerat itisilernerqassasoq ataatsimiititaliamit kissaatigineqarpoq, taannami malillugu inissiinernut katsorsaanernullu aningaasartuutit peqqinnissaqarfimmit akilerneqassapput. Aningaasartuutit danskit oqartussaasunit akilerneqartussaanginnerat ataatsimiititaliamit tupigusuutigineqarpoq.

7.7 Konto pingaarneq 34.12.01 Nunap immikkoortuini peqqinnissaqarfii, nakorsanit sullinneqarneq

Nunat immikkoortuini sulisut naammattut pigiinnarneqarnissaannut, taamaalillunilu nunap immikkoortuini peqqinnissaqarfinni napparsimasunik katsorsaanerit assertuutigalugu Nuummut nuunneqarnissaasa sapinngisamik pinngitsoortinneqarnissaanut, sanilliullugu nunap immikkoortuini peqqinnissaqarfii sullississutaasa peqqinnissakkullu sullissinerisa killiffiannik paasitinneqarnissani ataatsimiititaliap kissaatigaa?

7.8 Konto pingaarneq 34.12.05 Nuna tamakkerlugu nakorsaaserisoqarfik

Nunap immikkoortuini peqqinnissaqarfinni nakorsaataasivinnik Naalackersuisut qanoq iliorlutik akuttunngitsumik nakkutilliisarnersut, taamaalillutillu nunap immikkoortuini nakorsaatunik amigaateqalernissamik pinaveersimatitsisarnersut, paasissutissiissutigineqassasoq ataatsimiititaliamit kissaatigineqarpoq.

7.9 Konto pingaarneq 34.12.06 Ataatsimut aningaasartuutit

Peqqinnissaqarfii iluani sulisussaaleqinerujussuarmut sanilliullugu sulisussarsiortarnermut sulisooreersunillu attassiinnarnissamut suliniutit aningaasallu immikkoortinneqartut naammannersut paasissutissiissutigineqassasoq ataatsimiititaliamit kissaatigineqarpoq.

7.10 Konto pingaarneq 34.13.01 Peqqinnissaqarfii, kigutigissaaneq

1. N 2022-mit AIS 2024-mut allannguutit qiviaraanni suliassami kisitsisissatut naatsorsuutigisani nakorsartut amerlassusissaattut naatsorsuutigisat sulisorisassatut naatsorsuutigisanut qanoq ataqatigiippat?
2. Suliassami kisitsisissatut naatsorsuutigisani nakorsartut amerlassusissaattut naatsorsuutigisat pillugit takussutissiap ataani oqaaseqaammik ilanngussisoqarpoq, taannalu erseqqinnerusumik itisilernerqassasoq ataatsimiititaliamit kissaatigineqarpoq.

8. Suliassaqarfik 40 - Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

8.1 Konto pingaarneq 40.02.01 Ilinniartut ineqarfiisa allaffeqarfiata ataatsimut kontoa

1. Nuummi Nuussuarmilu ilinniartut ineqarfiini init 98-inik amerlineqartut, aningaasaliissutilli taamaaqataanik amerlineqanngitsut, ataatsimiititaliamit maluginiarneqarpoq. Tamatuma nassuiarneqarnissaa ataatsimiititaliamit kissaatigineqarpoq.
2. Ataatsimiititaliap "Nypigekollegiet" imaluunniit Narsarsuarmi "Blok 2-10" tusarsimangilai. Ilinniartut ineqarfii nutaaviit pineqarpat?

8.2 Konto pingaarneq 40.02.03 Aningaaserivinnit taarsigassarsiarsiat taarsigassarsiallu akilerneqartarnerat

Misiligutaasumik ilinniarnermut taarsigassarsiarsiat amerlassusiisa AI 2023-mit (45) AIS 2024-mut (12) nikinnerannut suna pissutaava?

8.3 Konto pingaarneq 40.02.07 Immikkut ikiorsiissutit, angalanermut aningaasartuutit il.il., suliffeqarfiit

Konto pingaarnerup inatsisitigut pisussaaffigalugu aningaasaliissutitut pinnagu tapiissutitut aningaasaliissutitut taagorneqarnera ataatsimiititaliamit eqqumiigineqarpoq. Tamanna nassui-aatigeqqullugu Naalakkersuisut qinnuigineqarput.

8.4 Konto pingaarneq 40.10.12 Efterskolit

Atuartumut ataatsimut qaammammut 281 kr.-it konto pingaarneq una aqquutigalugu Kalaallit Illuinut utertinneqartartut Naalakkersuisunit paasissutissiissutigineqarpoq. Aningaasat Danmarkimi efterskolertut ilitsersorneqarnerannut atorneqartarput. Aningaasat ataatsimiititaliamit maluginiarneqarput atuartumullu ataatsimut aningaasat pineqartut Naalakkersuisunit nassui-aatigineqarnissaat kissaatigalugu.

8.5 Konto pingaarneq 40.12.35 GUX Aasiaat

Ilinniarnertuunngorniarfimmi soraarummeernermi oqalutseqartitsisoqartarnerasoq imaluunniit oqalutseqartitsisoqartalernissaa eqqarsaataanersoq paasissutissiissutigeqqullugu Naalakkersuisut qinnuigineqarput.

8.6 Konto pingaarneq 40.12.36 GUX Nuuk

Ukiumut ilinniartut amerlassusiat AIS2023-mi qaffariaateqartoq, ilinniartumullu ataatsimut ukiumut aningaasartuutit taamaaginnangajattut, ataatsimiititaliamit maluginiarneqarpoq. Ukiumut ilinniartut amerleriaataat malillugu ukioq ataaseq ilinniartumut aningaasartuutit ikileriannginnerat ataatsimiititaliamit eqqumiigineqarpoq.

8.7 Konto pingaarneq 40.90.07 Nunani tamalaani pilersaarutinut suleqatigiittoqarnera pillugu ilinniarnerni paasissutissiisarnernilu nutaaliorneq

Fonden for Entreprenørskabip ataani Kalallit Nunaanni immikkoortumik pilersitsinermi Naalakkersuisut qanoq pilersaaruteqarnerat paasissutissiissutigineqassasoq ataatsimiititaliamit kissaatigineqarpoq. Ingerlatat sorliit allaffimmit taassuminnga suliarineqartassappat, tamatumunngalu tapiissutit qanoq agguataarneqassappat?

8.8 Konto pingaarneq 40.90.08 Ilinniartitaanerni PAT-i

N 2022-mut sanilliullugu aningaasartuutit allat eqqarsaatigalugit suliassami kisitsisissatut naatsorsuutigisani allannguutininut suna pissutaava?

8.9 Konto pingaarneq 40.90.15 Ilinniartut inissaannik attartorneq

1. Ilinniartut ineqarfiinik nalinginnaasunik sanaartornermi Immikkoortoq 2-mi Nuummi sanaartugassat neqeroortitsissutigineqarnerinik taamaatitsinerup akuerineqarnissaa Naalakkersuisunit Aningaasaqarnermut Akileraartarnermullu Ataatsimiititaliamut qinnutigineqarmat ataatsimiititaliamit oqaatigineqassaaq. Tamanna kontop matuma missingersuusiorneqarneranut qanoq kinguneqassava?
2. Siuliani allassimasut ukiuni missingersuusiorfiusuni missingersuusiornermut qanoq kinguneqassapat?

8.10 Konto pingaarneq 40.91.03 Pikkorissartitsineq

1. Ilanngaasereerluni aningaasartuutit N2022-miilli marloriaammik amerleriaateqarsimasut ataatsimiititaliamit maluginiarneqarpoq. Tamatuma nassuiaatigineqarnissaa ataatsimiititaliamit kissaatigineqarpoq.
2. Konto pingaarnermi matumani pikkorissarnissamik neqeroorutini kikkut siunnerfigineqarpat?

8.11 Konto pingaarneq 40.91.05 Inersimasunut ilinniartitaanerit

Aningaasat "ilinniartitaanermi immikkut ittumik suliniuteqarneq"-mut atatillugu atorneqassasut konto pingaarnermi matumani oqaasertani Naalakkersuisunit paasissutissiisutigineqarpoq. Tassunga atatillugu ilinniartitaanermi immikkut ittumik suliniuteqarneq qanoq paasineqassanersoq itisileqqullugu Naalakkersuisut qinnuigineqarput.

8.12 Konto pingaarneq 40.91.06 Ilinniartitsisunik ilinniartitseqqittarneq

1. Suliassami kisitsisissatut naatsorsuutigisani N 2022-mi "Pikkorissartut allat" ataani pikkorissartuq ataasiinnaasimasooq aammalu AIS2024-mi pikkorissartut 50-iunissaat naatsorsuutigineqartoq ataatsimiititaliamit maluginiarneqarpoq. Tamatuma nassuiarneqarnissaa ataatsimiititaliamit kissaatigineqarpoq.
2. Taamatuttaaq ilinniartitaanermut suliassaqarfimmi aningaasaqarnerup killiffianik paasitinneqarnissaaq ataatsimiititaliamit kissaatigineqarpoq.

8.13 Konto pingaarneq 40.97.03 Kalaallit Nunaanni ilageeqarneq

Ukiuni missingersuusiorfiusumi kiisalu ukiuni missingersuusiorfiusuni suliassami kisitsisissatut naatsorsuutigisat N2022-mut sanilliullutik annertuumik qaffariarnerannut suna pissutaava? Tassunga atatillugu ataatsimiititaliamit maluginiarneqarpoq N2022-mut sanilliullugu missingersuutit kisitsisitaat appariarsimasut, tamatumalu peqatigisaanik suliassami kisitsisit malunnaateqarluartumik qaffariarsimasut. Kiisalu naak ilassutitut aningaasaliissuteqarnissamik qinnuteqaat Aningaasaqarnermut Ataatsimiititaliamit 2022-p naanerani akuerineqaraluartoq aningaasaliissutit annertunerusumik allannguuteqarsimangitsut ataatsimiititaliamit aamma maluginiarneqarpoq.

9. Suliassaqarfik 50 - 51 Aalisarnermut Piniarnermullu Naalakkersuisoq

9.1 Konto pingaarneq 50.01.20 Aalisarneq piniarnerlu

1. N 2022-p aammalu AIS 2024-p akornanni aningaasaliissutit nikerarnerannut suna pissutaava?
2. Aningaasaliissutit ingerlatanut sorlerpianut atorneqartarnersut paasissutissiissutigineqassasoq ataatsimiititaliamit kissaatigineqarpoq.

9.2 Konto pingaarneq 50.06.50 Aalisarnerup ineriartortinneqarnissaanut immikkoortitat Suliassami kisitsisissatut naatsorsuutigisat sooq N2022-mit AIS2024-mut 50 %-it missaannik amerleriarpat?

9.3 Konto pingaarneq 51.01.05 Kalaalit Nunaanni Aalisarsinnaanermut Akuersissutinik Nakkutilliisoqarfik aamma piniarnermik nakkutilliisoqarneq

Aningaasaliissutit allannguuteqannginnerat nakkutilliinerullu nukittorsarneqarnissaanik pisariaqartinneqarnera imminnut qanoq naapertuutsigippat?

9.4 Konto pingaarneq 51.07.40 Taarsigassarsiarititat ernialersugaanngitsut akilersuutitaqanngitsullu

1. Konto pingaarnermi matumani oqaasertani Ammassaliup allassimanagera ataatsimiititaliamit eqqumiigineqarpoq, naatsorsuutigineqarporlu taanna iluarsineqassasoq.
2. Nunatta sinnerani umiatsiaaqqat inuussutissarsiutitut atorneqartussat 75 % angullugu tapiiffigineqartartut allassimavoq. Tamanna itisileqqullugu Naalakkersuisut qinnuigineqarput, ataatsimiititaliarmi isumaqarmat tamanna imaanngimmat ass. Nuummi Ilulissanilu atuuttoq.

10. Suliassaqarfik 62-64 – Nunanut Allanut Inuussutissarsiornermut Niuernermullu Naalakkersuisoq

10.1 Konto pingaarneq 64.10.03 Northern Periphery and Arcticimut Kalaallit Nunaata tapersiissutai

Aningaasaliissutit matumani pineqartut sunniutaannik uuttuinissaq ataatsimiititaliamit ujar-
torneqarpoq. Aningaasaliissutit uku nunatsinni inuiaqatigiinnit qanoq iluaqutissarsiffi-
gineqartarnersut itisilerneqassasoq Naalakkersuisunut qinnutigineqarpoq.

10.2 Konto pingaarneq 64.10.06 Taarsigassarsianut qularnaveeqqusiissutit akilerneqarneri Taarsigassarsianut qularnaveeqqusissutit tamakkiisut, matumani aningaasaliissutinut tun- ngaviusut, aningaasanngorlugit qanoq amerlatigaat?

10.3 Konto pingaarneq 64.10.27 Inuussutissarsiutit ineriartortinnerinut pilerisaarinernullu suliniutit

Konto pingaarnermi matumani suliassanut takussutissiaq missingersuutinut ilanngussami Naalakkersuisunit taaneqarpoq. Suliassanut takussutissiaq taamaattoq ilaanngimmat ataatsi-
miititaliamit eqqumaffigeqquneqassaaq. Amigaataasoq taanna iluarsiniarlugu siunnersuutip aappassaaneerneqarnissaanut Naalakkersuisut allannguutissatut siunnersuuteqarnissaat ataatsimiititaliamit naatsorsuutigineqarsinnaava?

10.4 Konto pingaarneq 64.10.30 Puisit amiinik tunisineq

1. Assersuutigalugu Great Greenlandimi naammassisinnaaqassutsimik atorluannissaq qulakkeerumallugu assersuutigalugu Norgemit puisit amiinik eqqussuinissamat qanoq periarfissaqarnersooq paasissutissiisutigineqassasoq ataatsimiititaliamit kissaatigine-
qarpoq.

10.5 Konto pingaarneq 64.10.31 Takornarianut sullissiviit nunatsinni takornariagassat

1. Nuuk Natur- og GeoCenterip pilersinneqarnissaanut ukiut arlallit ingerlaneranni aningaasanik immikkoortitsisoqartarpoq. Nuummi suliap killiffia paasissutissiisuti-
gineqassasoq ataatsimiititaliamit kissaatigineqarpoq.
2. Takornariat ornittagaannik amerlanerusunik pilersitsinissaq Naalakkersuisunit pilersaarutigineqarpa?
3. Takornariat ornittagaannut aningaasalersueqataanissami kommunit qanoq akkuu-
tinneqartussatut naatsorsuutigineqarpat?
4. Danskisut taaguutip (visitorcentre) taamaaqataata eqqortup Naalakkersuisunit pinerit tamaasa atorneqarnissaa ataatsimiititaliamit kaammattuutigineqassaaq. Taaguut Oqaasiliortunit pisortatigoortumik akuerisaaq kalaallisuuani atorneqassasoq ataatsimii-
titaliamit kaammattuutigineqarpoq.

10.6 Konto pingaarneq 64.10.32 Takornariaqarnermik ineriartortitsineq inuussutissarsiuti- nillu siuarsaaneq

1. Ikittunik taarsigassarsineq suliassami kisitsisinut takussutissiami aningaasaliiffigi-
neqanngitsutut allassimasooq ataatsimiititaliap maluginiarpa. Tamatumunnga suna pissutaava aammalu ikittunik taarsigassarsinerup atorneqarnerulernissaanik sulineq sumut killippa?
2. Takornariaqarnermi inuussutissarsiutinik siuarsaanermi ikittunik taarsigassarsitsi-
nerup nunaqarfinni mikisuni aningaasalersuutigineqassaaq Naalakkersuisunit naleqqut-
tutut isigineqarpa?
3. Matumani aningaasaliissutit ingerlatanut sorlernorpiaq atorneqartarpat?

10.7 Konto pingaarneq 64.20.07 Inuit Circumpolar Council

ICC-mi ingerlatat sunniutaannik uuttuinissaq ataatsimiititaliamit ujaratorneqarpoq. ICC-p Kalaallit Nunaanni ingerlatai qanoq iluaqutaassuseqarpat?

11. Suliassaqarfik 66 – 67 Aningaasaqarnermut, Naligiissitaanermut, Aatsitassanut Inatsisillu Atuutsinneqarnerannut Naalakkersuisoq

11.1 Konto pingaarneq 66.01.01 Aatsitassanut ikummatissanullu Aqutsisoqarfik, allaffis-sorneq

Sulisorisassatut naatsorsuutigisat ikileriarnarat aammalu akissarsianut aningaasartuutit amerleriarnarat imminnut qanoq naapertuuppat?

11.2 Konto pingaarneq 67.01.02 Geologiimut immikkoortoqarfik

1. Piffissaq ungasinnerusoq eqqarsaatigalugu Geologiimut Immikkoortoqarfiup namminersortutut ilisimatusarfinngortinneqarnissaa sulissutigineqartoq Naalakkersuisunit paasissutissiissutigineqarpoq. Taamaassimappat aningaasaliissutit N2022-mit AIS2024-mut soq taama malunnaateqartigisumik ikileriartinneqarpat?
2. Suliniut siuliani taaneqartoq qaqqap sisoorneranik suliamut attuumassuteqarpa?

11.3 Konto pingaarneq 67.01.03 Geologiimut ussasaarinermilu suliniutit

1. Geologiimut Immikkoortoqarfiup (konto pingaarneq 67.01.02) suliassai missingersuutitut ilanngussami uteqqinneqarput. Tamatumunnga suna tunngaviua?
2. Nunani tamalaani nittarsaassinermik suliniutit, Geologiimut immikkoortortamittaaq isumagineqartut, konto pingaarnerup 67.01.02-p, Geologiimut immikkoortoqarfimmut tunngasup, ataani aningaasaliissutigineqannginnerannut suna tunngaviua?
3. Aatsitassanut suliassaqarfiup imminut napatittutut inuussutissarsiutigineqarsinnaanngorluni ineriartortinneqarnissaa Naalakkersuisunit anguniagaavoq. Tamanna aningaasaliissutit N2022-mit AIS2024-mut malunnaatilimmik ikileriarnernut qanoq attuumassuteqarpa?

12. Suliassaqarfik 70 – 72 - Ineqarnermut Attaveqaasersuutinullu Naalakkersuisoq

12.1 Konto pingaarneq 70.01.07 Sanaartornermi oqartussaassuseq

Sulisorisat N2022-mit AIS2024-mut allanngornerannut suna pissutaava?

12.2 Konto pingaarneq 72.20.05 Ilaasunik angallassinermut tapiissutit

1. Kiffartuussinissamik isumaqatigiissutinik suliassaqarfimmut tamatumalu malitseqartinneqarneranut atatillugu misissueqqissaarnermik sulinermi aningaasartuutit kiisalu suliarinnittussarsiuussinissami aningaasartuutaasinnaasut konto pingaarneq una aqqutigalugu akilerneqartartut Naalakkersuisunit paasissutissiissutigineqarpoq. Misissueqqissaarneq taaneqartoq qaqugu naammassisussatut Naalakkersuisunit naatsorsuutigineqarpa?
2. Kiffartuussinissamik isumaqatigiissut ukiunut 2021-2025-mut ukiuni 5-ini atuuttusaq aqqutigalugu Sarfaq Ittuk atorlugu sinerissami ilaasunik umiarsuarmik angallassisarnissap ingerlaannarnissaa pillugu Arctic Umiaq Linemik isumaqatigiissusiortoqarsimanagera Naalakkersuisunit paasissutissiissutigineqarpoq kiisalu kiffartuussinissamik isumaqatigiissutip atorunnaanginnerani nutaamik isumaqatigiinniartoqassasoq paasissutissiissutigineqarpoq. Tamatuma itisilerneqarnissaa ataatsimiititaliamit kissaatigineqarpoq.

12.3 Konto pingaarneq 72.20.10 Usinik assartuineq

Royal Arctic Line A/S-ip siunissamut pilersaarutaasa ingerlatassaasalu killiffiat paasissutissiissutigineqassasoq ataatsimiititaliamit kissaatigineqarpoq?

12.4 Konto pingaarneq 72.20.12 Sikunik alapernaarsuineq

N 2022-mit AIS 2024 tikillugu aningaasaliissutit nikerarnerujussuannut suna pissutaava?

13. Suliassaqarfik 73 – 77 – Nunalerinermut, Imminut Pilersornermut, Nukissiuutinut Avatangiisinullu Naalakkersuisoq

13.1 Konto pingaarneq 73.04.01 Nunalerinermik inuussutissarsiuteqartunut aningaasaler-suinikkut tapersiisarneq

1. Naggorissaatinut nerukkaatissanullu immikkut aningaasartuuteqarnermut atatillugu nunalerinermut inuussutissarsiuteqartunut 2023-mi 5 mio. kr.-it ikiorsiissutigine-qarnissaat akuerineqarmat ataatsimiititaliamit oqaatigineqassaaq. Tamanna AIS2024-mi aningaasaliissutinut sunniuteqarsimanersoq paasissutissiissutigineqassasoq ataatsi-miititaliamit kissaatigineqarpoq.
2. Tassunga atatillugu ilassutitut aningaasaliissuteqarnissamik qinnuteqaatit assingusut siunissami naatsorsuutigineqarsinnaanersut paasissutissiissutigineqassasoq ataatsimiit-taliamit kissaatigineqarpoq.

13.2 Konto pingaarneq 73.04.07 Savaatillit nioqqutissanik pisiortornerminni taarsigassarsiaannut qularnaveeqqutinik akiliineq

Nunalerinermi nioqqutissanik nunalerinermut atugassanik pisiniarnissamut qularnaveeqqu-siissutip qaffanneqarnissaa pillugu ilassutitut aningaasaliissuteqarnissamik qinnuteqaammik (ataatsimiititaliap suliaa nr. 01.31.06/22-00989) ataatsimiititaliap akuersissutiginninnera konto pingaarnermut matumunnga pitsaasumik sunniuteqarsimanersoq paasissutissiissutigi-neqassasoq ataatsimiititaliamit kissaatigineqarpoq. Suliassaq Savaatillit Peqatigiit Suleqati-giissut nerukkaatissanik pisinermi atatillugu taarsigassarsiaannut qularnaveeqqutit 3,5 mio. kr.-init 5 mio. kr.-inut qaffanneqarnissaannut tunngassuteqartoq ataatsimiititaliamit pingasunngornermi ulloq 29. juni 2022-mi akuerineqarpoq.

13.3 Konto pingaarneq 73.04.08 Savaaqqanik toqoraavinnut il.il. kiffartuussinissamut isumaqatigiissut

1. Konto pingaarnermut matumunnga oqaasertaliussap quleqtaa allaammat ataatsi-miititaliamit eqqumaffigeqquneqassaaq. Kukkunermik tamatuminnnga iluarsisumik siunnersuutip aappassaaneerneqarnissaanut Naalakkersuisut allannguutissatut siunner-suummik saqqummiussinissaat ataatsimiititaliamit naatsorsuutigineqarpoq.
2. Narsami savaaqqanik toqoraaviup (Neqi A/S) ingerlaannarnissaanut kiffartuussi-nissamik isumaqatigiissut konto pingaarnermi matumani ilaavoq. Naalakkersuisut Inatsisartut Aningaasaqarnermut Akileraartarnermullu Ataatsimiititaliaannut ilisima-titsillutik toqoraavimmik Neqi A/S-imik ukiunut arlalinnut atuuttussamik kiffar-tuussinissamut isumaqatigiissuteqarnissaminnut piginnaatinneqarput. Isumaqatigiis-sutit aningaasaliissutit tamarmiusut qaangertassanngilaat aammalu ukiunut missin-gersuusiorfiusunut sunniuteqassanatik. Konto pingaarnermut matumunnga aningaasaliissutit AI 2023-mut sanilliullugu affaanngorsimasut ataatsimiititaliamit malu-giniarneqarpoq. Tamanna tunngavigalugu aningaasaliissutit, Neqi A/S-ip ukiuni kingullerni ukiumoortumik angusai ilanngullugit eqqarsaatigalugit, savaaqqanik toqoraaviup ingerlaannarnissaanut naammattutut isigineqarnersut paasissutissiissu-tigineqassasoq ataatsimiititaliamit kissaatigineqarpoq?
3. Kiisalu aningaasat ukiuanni 2024-mi – tamatumalu kingorna ukiuni missingersuu-siorfiusuni - ikilineqarneri ajornartorsiutinut ungasissoq isigalugu aaqqiissutissanik Naalakkersuisut nassaarsimanerannut takussutissaanersoq paasissutissiissutigine-qassasoq ataatsimiititaliamit kissaatigineqarpoq.
4. Aningaasaliissutit N2022-mit AIS2024-mut allanngornerannut suna pissutaava?

13.5 Konto pingaarneq 73.04.09 Missingersuutitut iluarsiiissutit

1. Missingersuutitut ilanngussami allassimavoq isumaqatigiissutit nutarterneratigut misissorneqartoq KNI A/S illoqarfinnut nioqutissanik pilersuisunngussasoq, taamaalluni suliffeqarfik nioqutissiortut allat assigalugit sullissinerminik unammiller-sinnaaqullugu. Misissuinerit taakku sumut killinnersut paasissutissiissutigine-qassasoq ataatsimiititaliamit kissaatigineqarpoq.
2. Naalackersuisut KNI-mut tunngatillugu siunissamut pilersaarutaasa allat killiffiat ataatsimiititaliamit ujartorneqarpoq.

13.6 Konto pingaarneq 73.04.10 Nioqutissanik pilersuineq aningaaseriveqartitsinerlu

Kiffartuussinissamik isumaqatigiissutissat pillugit isumaqatigiinniarnert ingerlasut aammalu aningaasanut inatsisissatut siunnersuutit aappasaaneerneqarnissaanut atatillugu iluarsii-soqassasoq konto pingaarnermut matumunnga oqaasertaliussaliussami paasissutissiissutigine-qarpoq. Konto pingaarneq 73.04.09, missingersuutitut iluarsiiissutitut tunngasoq, naapertorlugu misissuinerit kiffartuussinissamik isumaqatigiissutit pillugit isumaqatigiinniarnert taakkununga isumaliutersuutigineqartuni aamma tikinneqarpat?

13.7 Konto pingaarneq 73.94.04 Nukissiorfiit, erniat

N 2022-mit AIS 2024 tikillugu aningaasaliissutit nikerarnerannut suna pissutaava?

13.8 Konto pingaarneq 73.94.05 Nukissiorfiit, akilersuutit

Ukiumoortumik akilersuutit ataatsimiititaliap isumaa malillugu appasissunut suna pissutaava?

13.9 Konto pingaarneq 73.94.07 Kalaallit Nunaanni inaallagiarnermut oqartussat

Konto pingaarnermut matumunnga tunuliaqutaasoq erseqqinnerusoq suua?

13.10 Konto pingaarneq 77.05.02 Pinngortitaleriffik

N 2022-mit AIS 2024 tikillugu aningaasaliissutit nikerarnerannut suna pissutaava?

13.11 Konto pingaarneq 77.05.08 Avatangiisinut Aningaasaateqarfik

Nuna tamakkerlugu ikuallaavissat 2024-mi piariissangatinneqartut Naalackersuisunit paasissutissiissutigineqarpoq. Ikuallaaviit piareernissaasa tungaanut piffissami ikaarsaariarfiusumi sinerissami eqqagassalerineq Naalackersuisut qanoq pilersaaruteqarfigaat?

14. Suliassaqarfik 80 – 89 Sanaartorneq

14.1 Konto pingaarneq 80.00.01 Nuussinissanut sillimmatit aamma konto pingaarneq 80.00.10 Sanaartugassanut Iluarsagassanullu Aningaasaateqarfimmit utertitat
Aningaasaliissutit taama nikerartiginerannut suna tunngaviunersoq paasissutissiissutigineqassasoq ataatsimiititaliamit kissaatigineqarpoq.

14.2 Konto pingaarneq 82.20.02 Pisariillisaaneq-suliniut, ERP

1. Suliniutip ERP-p killiffia paasissutissiissutigineqassasoq ataatsimiititaliamit kissaatigineqarpoq.
2. Suliniut maannamut qanoq pissarsissutaava?

14.3 Konto pingaarneq 83.30.12 Utoqqaat angerlarsimaffii

1. Kommunit suliassaqarfimmi immikkoortumut pilersaarutaat qanoq isikkoqarpat?
2. Maanna suliniutinik ingerlasoqarpa?
3. 50 % tikillugu tapiissuteqartoqarsinnaasoq paasissutissiissutigineqarpoq. Tamanna qanorpiaq isumaqarpa aammalu procenti taanna nalinginnaasumik atorneqarnerua?

14.4 Konto pingaarneq 84.40.12 Ilinniartitaanermut sanaartukkat

1. Ambulancit naammattumik amerlassusillit pissarsiariniarnerat sumut killippa?
2. Illut Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmut atasut aserfallatsaalineqarnerinut iluarsaannerinillu aningaasaliissutit kontomi pingaarnermi ilaatinneqartut paasissutissiissutigineqarpoq. Timersortarfiit taakkununga ilaappat?

14.5 Konto pingaarneq 86.60.01 Peqqinnissaqarfik

1. MR-scannerit konto pingaarnermut matumunnga ilaappat?
2. Pisiassanut aalajangersimasunut, soorlu MR-scannerinut, aningaasalersueqataassutisatut tapiissutinik tigusaqartoqartillugu isertitanut kontomik atuisoqartarpa?

Naalackersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutit oqaaseqaatillu allasimasut akissuteqarfiginnginneranni apeqqutip akissuteqarfigineqartup issuarneqarnissaanik (naatsunnguamilluunniit) Naalackersuisut qinnuigineqarput.

Allakkiamut matumunnga akissuteqaat kingusinnerpaamik ataasinngornermi ulloq 2. oktober 2023, nal. 12.00 kalaallit danskisullu Aningaasaqarnermut Akileraartarnermullu Ataatsimiititaliamit tiguneqareersussanngorlugu nassiteqquneqarpoq kiisalu qarasaasiakkut uunga nassiteqquneqarluni: saam@ina.alla.gl aamma jovag@ina.alla.gl.

Allakkiaq una qarasaasiakkut uunga aamma nassiunneqarpoq: oedfu@nanoq.gl.

Inussiarnersumik inuulluaqqusillunga



Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua